



PLANTER

Estd-5.2.1982



MOTTO : "PRO-CHRISTI ET ECCLESIA" (FOR CHRIST AND THE CHURCH)



Highlights

TEACHERS' DAY HMANG

September 5, 2024 (Ningani) khan School Multipurpose Hall-ah Teachers' Day ropui takin hman a ni a. Hemi hunah hian Khuallian atan Pu Rozama Chawngthu, Former Principal & National Awardee to Teacher chu hman a ni. Teachers' Day-ah hian zirlaite'n an thiam thil hrang hrangte an lantir a; thawktute hnenah thilpek an hlan theuh bawk a ni.

AIDS AWARENESS RALLY

September 10 (Thawhlejni) zing khan MSACS buatsaihin AIDS Awareness Rally neih a ni a. Kan School Girls' Hostel leh Boys' Hostel atangin zirlai 10 ve ve te chu, Sir Dr. Vanlalvanga Ralte, Lecturer hovin an tel ve a ni.

CHATUAN RAM PAN

Miss Laldinpui Ralte (DP) pa, Upa Dr. R. Lalzauva (79), Dawrpui Veng, Aizawl chuan September 11, 2024 khan chatuan ram min pansan a. Khawhar chhungte Pathianin thlamuanin awmpui zel rawh se.

PUBLIC SPEAKING COMPETITION-AH TEL

September 10 (Thawhlejni) atanga Lamtluang Lifeskills Academy buatsaih 'Inter School/College Public Speaking Competition'-ah kan zirlai pahnih-Esther Malsawmtluangi Tlau, X/A-8 leh Mesak Lalrinhlua Varte, XII/C-34 te chu an tel.

September 17 zanah Dawrpui Multipurpose Hall-ah Grand Final neih niin, Mesak Lalrinhlua Varte hi Higher level-ah pathumna a ni a, kan lawmpui takzet a ni.

Grand Final neih zan hian Miss Zuitei, Sir Tluanga, Sir RC-a leh Sir Zonuna te bakah, Boys' Hostel leh Girls' Hostel atangin zirlai pali ve ve te'n an tawiawm bawk a ni.

SCHOOL WEEK HMAN A NI

Dated, Mission Vengthlang, Aizawl. The 19th September, 2024 (Ningani): September 9-13, 2024 chung khan School Week hman a ni. School Week hi kum tam tak kan lo hmang tawh lo va; September 15-19, 2014 kha School Week kan hman hnukung ber a ni. Kum 2015-ah Two Day Sports hman a ni a. Kum 2016 atanga kum 2023 (2020 leh 2021 tih loh) chung Three Day Sports kan hmang thung. Kum 10 hnuah School Week, pangngai taka kan hmang leh thei hi thil chhinchhiah tlak tak a ni.



School Week hi Pu Lalsiammawia Fanai, Principal-in a hawng a. A hawnnaah hian Oath Taking te, Hlado leh Malzaite a awm a. Cheraw hmanga intihsiaknain bul tan zui nghal a ni. Infiamna (discipline) chi hrang 37 zet atangin House hrang hrangte an inel a, infiamna tam zawkah hian Secondary leh Higher then hran a ni bawk.



Kum dang ang lo takin pawm lam (3rd Battalion MAP Ground)-ah Secondary leh Higher lam inchhuah chhawk a ni a, thil chhinchhiah tlak tak a ni awm e. Zirlaite leh Zirtirtute chungah inhliam emaw, thil danga harsatna thleng emaw a awm lo va, a lawmawm takzet a ni. Week chhunga kan chanvo hrang hrangte pawh hnehsawh taka hlen chhuah vek a ni a, a lawmawm zual hle.



Editor

Lalthantluanga Chawngthu
Mb. No. 8014344688

Joint Editors

F. Lalrinzuala
Vanlalremruata

Cir. Managers

Lalrinzuali
Rebecca Rosangpuii
Esther Lalruatkimi

Editorial



Board

News Editors

Lalrintluangi	XII/A-7
Lalrinzuali	XII/C-1
Mesak Lalrinhlua Varte	XII/C-34
Remruatfela	XII/D-65
Marcus Lallawmawma	XII/E-69
Lalthianghlimi	XII/F-45

Editorial...



KAWLPHETHA (ELECTRIC ENERGY) RENCHEM

Kawlphehtha (Electrical Energy) hi pawisa ang a ni. Khawvelah hian pawisa tel lovin thil tih a harsa tawh em em a, pawisa hmangin kan chenna in leh lo, kan mamawh eng thil mai pawh hi kan lei zung zung thei a. Hausa leh rethei kan inthliarna pawh pawisa ngah leh ngah loh hi a ni ber. Mi fing chuan ren takin pawisa a hmang a, a neih a khawl zel a; a tawpah pawisa ngah 'mi hausu' a lo ni mai thin. Chutiang chiah chuan Kawlphehtha hi ren taka kan hman chuan kan khawl zel tihna a ni a, Kawlphehtha kan khawla kan ngah chuan mipuite hi a hlawkna tel zeltute chu kan ni mai dawn a ni.

Mitinte'n Kawlphehtha kan hman zat leh kan hman dan pawh a inang hauh lo ang. Kan neih ang tawka kan hmannaah theuh hian renchem dan kan thiam a tul a. Pawisa nei tam lo leh pawisa ngahte hman chhuahna leh hman dan a inang lo ang bawkin, Kawlphehtha hi mi thenkhat chuan an hmang tamin an hmang tlem ngei ang. Chutah chuan keimahni phak ang tawk zela renchem hi kan thatna tur a ni tih kan hriat fo a tul a. Kan Kawlphehtha te kan en fiah thin a ngai a, eng angin nge kan hman tihte hi kan chik fo a tha. Hetianga kan tih theih phawt chuan keimahni mai bakah kan ram tan thil tha ti kan ni a, kan vanneihna turin kawng kan sial tihna a ni bawk.

Kum danga kan lo tih tawh thin angin Week-ah hian Best Boy, Best Girl leh Best Cooperator-te thlan chhuah an ni a, chung mite chu:

BEST BOY

Francis Lalremmuana, XII/B-31 (Gold Medal 4 a la)

BEST GIRL

C. Remsangpuii, X/B-66 (Gold Medal 4 a la)

BEST COOPERATOR (Higher)

R. Lalhriatzuala, XII/A-34

BEST COOPERATOR (Secondary)

Lalhruaitluanga Khawlhing, X/A-42

House hrang hrangte inelnaaah hian Gold Medal la tam ber **Blue House** chu **Champion** an ni a; hetiang hi House-te Medal an lak dan chu ani:

HOUSE	GOLD	SILVER	BRONZE	TOTAL
BLUE	26	23	19	68
YELLOW	25	29	15	69
RED	25	22	27	74
GREEN	16	16	24	56



Poetry

KA LUNGDI TAN*-Simon Lalrinchhana, XII/A-35*

Ṭhal romeiin tlâng tin bawh chiaie,
A fawm khawm e tuahting, buannêl ram daiah;
Theih chang se, Zo lêntu chan changin,
I di ngaih biahthu ka chang dah law maw.

A thâmral mai maw, thaikawi bâwngte,
A thleng zo lo, ka Ramhlun chhuahtlang;
Ka tan a nghing lo, Thinnêmi,
Ka di ngaiin mahte'n ka chhing ang maw.

Nang ṭhuai nan e, Zozam pâa a chul lua e,
Hawilopar a tawk lo, i lam hawi dala'n;
Lunglohtui a beitham, nang nghilh turin,
Ka thual ngei ang nang hmangaih, fam khuaah paw'n.

SWEET SERENADE*-Ruthi Vanlalchhanchhuahi, X/D-206*

Mellifluous melodies, like honey sweet,
Flow from the heart, to the lips, to the street.
Soft syllables sing, in harmony divine,
A symphony of sound, that's simply sublime.

Gentle guitar strings, vibrate with grace,
Violins whisper secrets, in a sweet embrace.
The flute's clear voice, echoes through the air,
As the piano's rhythm, resonates beyond compare.

The mellifluous music, a balm to the soul,
Soothes the savage beast, and makes us whole.
In the river of sound, we find our peace,
And our hearts sing along, in perfect release.

So let the mellifluous melodies, envelop us tight,
And fill our lives with beauty, and delight.

N.E NSS FESTIVAL-AH TEL DAWN

September 23-27, 2024 chhunga N.E NSS
Festival, Agartala (Tripura)-a neih turah kan School
aṭangin NSS Volunteer pali-

1. Sarah Lalmuanpuii Pachuau XII/E
 2. Ruthi Lallawmsangi XII/C
 3. Marcus Lallawmawma XII/E
 4. Mesak Lalrinhlua Varte XII/C
- te chu an tel dawn.

Mizoram aṭang hian Higher leh College zirlai
30 te chu he hun hmang tur hian an kal dawn a. Mizoram
Contingent-te kaihruaitu tur NSS Programme Officer
chu Sir Lalthantluanga Chawngthu, Lecturer, Synod
HSS a ni.

April 3-6, 2024 chhunga N.E NSS Festival,
Mizoramin a thlen ṭum khan kan School aṭangin NSS
Volunteer 6 an lo tel tawh bawk a. Khami ṭum khan
Sir Joseph Vanlalruaia Sailo chu Convener a ni a; Sir
Lalthantluanga Chawngthu chu Medical, Water, Sani-
tation & Security-ah incharge a ni.

Poetry

JUST FOR HIM*-Deborah Lalnunsangi, IX/A*

The first time she met him,
She didn't fall for him.
So it wasn't love at first sight,
But he did plant a seed of curiosity in her;
And as time passed and life goes on,
He began sinking into her,
Into the care of her heart;
Until he reached rock bottom,
And all she can think of was him.
Now she'd run around looking for him,
Pacing back and forth, waiting for him;
She'd spend her days thinking about him,
Desperate, obsessed and over the moon.
For him,
And just for him!

I FIND SOLACE AND PEACE*-Azuala, XI/E-68*

Simple things, that made my heart anew
Grant me one glance, a fleeting gaze
Let our eyes meet, in a loving daze.

Oh darling pause for just a moment,
Stay right there, for me to adore those lovely eyes
In your presence, I find solace and peace.

LA LUNE*-Laldintluanga Chhunthang, XII/B-36*

He shines, illuminating the gloomy sky,
Huge he stands hovering over mankind.
His bright glow ignites a fire inside of me,
Keeping me warm whether I want to be.
The Loneliness that was once there,
Disappears when I admirably stare.
But coldness quivers my heart,
When he suddenly departs
Behind the gloomy clouds.
Oh! How does a single moon,
Bring so much Fortune?

WHEN I SEE YOU*-Biakhmingsanga Thanglian, XII/D-39*

When I see you,
Your eyes sparkle,
When I see you,
My heart skips a beat, and I don't know what to say.
When I see you,
Love and happiness fulfills my thoughts,
And all of my troubles go away.
When I see you,
I wonder if you think about me as much as I think about
you.
When I see you,
I daydream about the day we could say
"I Do."

100% ON DUTY

Kristian tlangval khualzin pakhat hi European Airline thlawhna pakhat first class-ah chuangin van sang taka an thlawh vang vang hnu rei vak lovah Air-hostess chhe lo tak mai hian a rawn pan a. Tlangval hnenah chuan zu in tur a duh em tih a zawt a, hawihhawm takin a in duh loh thu tlangval chuan a hrilh a.

Chumi hnu rei vak lovah Air-hostess chuan tray mawi takah zu man tam leh tui hmel tak hi chawiin tlangval chu a rawn pan leh a. Tlangval chuan a hma ang bawkin a in duh loh thu hrilhin a lo hnar leh a.

Air-hostess ngaih tha lo chu an manager hnenah a kal a, tlangvalin zu a hnar zel thu chu a hrilh a. Manager chuan amah ngei kala pek a tum ta a. Tray-ah chuan pangpar nalh tak a dah a, no mawi tak chhungah zu man to tak a thli lut leh bawk a, amaherawhchu, tlangval chuan, “Kristian ka ni a, zu ka in ngai lo a ni,” tiin a lo chhang a.

Manager ngaih tha lo chuan, “Kan enkawl danah che hian i lawm lo em ni, i tan chuan a thlawm vek a ni asin,” a ti a.

Tlangval chuan, “Lawm lohna engmah ka nei hlei nem; zu hi chu Pilot saw va intir mai zawk rawh,” a ti a.

Manager chuan, “Pilot-te chu *On Duty* alawm a nih, zu an inte chuan kan chesual palh thei asin,” a lo ti vat a.

Tlangval chuan, “Kei pawh kristian ka ni a, ka rinna vawngghim turin eng tik lai pawha *On Duty* ka ni a; tuna ka thil tih hian tunah leh nakin zela ka tlak leh tlukna a thlen thei tih ka hria a, chuvangin zaa za duty (100% on duty) ka ni,” tiin a chhang a.

CHAPO TI HLE

Kohhran pakhat pawh hian Krismas ruai thehna nawi hi an lila thin a, an kohhran member chhungkaw hnih hian an lila an chhang ve duh ngai lo va, Kohhran Committee chuan an ngaihtuah a, “Hemi te hian Krismas ruai nawi an chhan duh loh avangin chapo kan ti hle,” an ti.

ṬAWNGṬAIPUI DANGDAI

E.Lungdar nu pakhat Pi Baii chu a ṭawngṭai a, “Aw Lalpa, nizanah Pawnga pa te ar sangharin a la a, an um ngam lo; a lak leh hunah chuan an um ngamna turin huaisenna pe tawh ang che, Amen,” a ti a. A ṭawngṭaipui dan a dangdai khawp mai.

THINGZAINA VANGA PHUAR

Khaw pakhat Biak In sak an tum a, an Kohhran member thingzaina hawhin thing an zai a, thingzaina an hman laklawh lai tak chuan a neitupa chuan “Ka hmang ve duh tawh” tiin a laksak ta daih mai a. Kohhran Committee chuan an ngaihtuah a, “Kohhran thingzai laklawh lai taka a thingzaina a lak avangin thlaruk chhung phuar ni se kan ti,” tiin an rel.

MI DANGDAI TE

*Napoleon-a kha French General huaisen, indona hmuna hlauh nei lo, a ke vei lam a perin Europe khawmualpui a nghing dur dur thin an tih hial ni mah se, zawhte hi zu hlau em em a!

*Mao Tse Tung-a khan ha a nawt ngai miah lo, “Sakei pawhin ha a nawh ka hre ngai lo,” a ti hmiah.

*US Confederate General Richard S.Ewell pawh kha sava niin a inhre tlat a. A dar vei lama thle buk buk chung hian a ke a per turh turh a, a’n khuang vak vak mai chu a sipaite’n an rap kher asin!

*Kum 1921 a Turkey leh Grik ram indo tuma Grik General Hajianestis khan a chang chuan khum a thawhsan ngam lo tlat thin a. A ke chu chini khang hlawma siam nia a hriat avangin a kehsawm thuta tluk zuk hlau tlat pek a!


*French mi, lemchan thiam Sarah Bernhardt khan puanzai sina cheimawi kuang hi a ngaina hle ni tur a ni. Chu kuang chhunga mu chung chuan thil a zir thin a, amah rimtu a inlengte pawh kuanga mu chung tho chuan zuk kawm thin a!

*Zaithiam lar em em Madonna hian a mawngtamah kher Marilyn Monroe hmai lem tattoo zuk siamtir a! Marilyn Monroe hi a hun laia lemchan thiam leh hmeltha, khawvela lar em em mai; US President John F.Kennedy te meuh pawh chhai har har thei kha a ni.

*Scientist hmingthang em em mai, tunlai thlenga a thil hmuhchhuah leh a theory-te khawvelin kan buaipui leh kan chhawr em em Albert Einstein hian mawza hi a bun ngai miah lo.

I MUT DANAH I NIHNA A LANG

Psychologist te’n an zir chiannaah mihringte kan muthilh laia kan awm dan atangin kan mizia hi tam tak a lang thei a ni an ti a. kan mut dan atanga kan mizia an tarlante hi a dik meuh em em tih i’n thlir teh ang u:



1. *Kawi zeta muhil* : Mi riang deuh leh enkawl ngai; kaihhruaina mamawh.

2. *Zangthala muhil* : Mi chapo leh induh, mi luhlul.

3. *Lukham kuaha muhil* : Hmangaihtu leh lainattu mamawh.

4. *Inlukupha muhil* : A thim zawnga thil thlir nasa.

5. *Ding lam delha muhil* : Mi rintlak; inngahna ngam.

6. *Vei lam delha muhil* : Mahni dinhmun/nihnaa lungawi.